

ՄԱՆՈՒԿՆ ՈՒ ԶՈՒՐԸ

(ժողովրդական)

Ամպոտ սարեն ուրախ ձենով
 Զուր է գալիս, անցնում շենով:
 Մի թուխ մանուկ դուրս է վազել,
 Ձեռքն ու երես պաղ լըվացել,
 5 Լըվացել է ձեռքն ու երես,
 Ու դարձել է՝ խոսել էսպես.

– Դու ո՞ր սարեն կուգաս ջըրիկ,
 Իմ պաղ ջըրիկ ու անուշիկ:
 – Ես էն սարեն կուգամ մըթին,
 10 Որ հին ու նոր ձյունն է գլխին:

– Դու ո՞ր առուն կերթաս, ջըրիկ.
 Իմ պաղ ջըրիկ ու անուշիկ:
 – Ես էն առուն կերթամ զվարթ,
 Ուր ափերն են շուշան ու վարդ:

15 – Դու ո՞ր այգին կերթաս, ջըրիկ.
 Իմ պաղ ջըրիկ ու անուշիկ:
 – Ես էն այգին կերթամ դալար,
 Որ տերն է ժիր մեջն այգեպան: